

Para Mahasiswa UNISSA mengenali penBORNEO



PARA mahasiswa dari Universiti Islam Sultan Sharif Ali (UNISSA) yang mengikuti program Sarjana Muda Tahfiz dan Qiraat mengadakan Lawatan sambil Belajar ke Pusat Pengkajian Borneo (penBORNEO), di sini.

Berita dan Foto : Marlinawaty Hussin

BERAKAS, Khamis, 24 September. - Seramai 26 mahasiswa dari Universiti Islam Sultan Sharif Ali (UNISSA) yang mengikuti program Sarjana Muda Tahfiz dan Qiraat mengadakan Lawatan sambil Belajar ke Pusat Pengkajian Borneo (penBORNEO),

di sini. Pensyarah Fakulti Usuluddin UNISSA, Dr. Ahmad Baha bin Mokhtar berkata, Lawatan sambil Belajar itu bertujuan bagi meninjau naskah-naskah manuskrip, yang disimpan di penBORNEO.

"Di bawah program Sarjana Muda Tahfiz dan Qiraat, para mahasiswa ada mempelajari mengenai manuskrip mashaf. Oleh kerana pusat pengkajian ini menyediakan bahan-bahan manuskrip, kami berminat untuk mengetahuinya dan mungkin terdapat manuskrip yang sesuai untuk dibuatkan kajian bagi para mahasiswa atau pensyarah," katanya.

Pada lawatan tersebut, rombongan diberikan penerangan mengenai Koleksi Manuskrip penBORNEO oleh Pegawai Sejarah pusat pengkajian berkenaan, Dayang Mardiah binti Haji Ramli.

Manakala, Pegawai Sejarah penBORNEO, Awang Muhd. Hefni bin Mahari turut menyampaikan taklimat mengenai Asas Pemeliharaan Rekod Manuskrip.

Rombongan, seterusnya mengikuti aktiviti membaca dan mentransliterasi manuskrip, disusuli dengan lawatan ke koleksi bahan rekod dan sesi tunjuk cara asas pemeliharaan rekod.

Para mahasiswa tersebut terdiri daripada mahasiswa Tahun 3 dan 4 program berkenaan.

Objektif lawatan adalah bagi



PEGAWAI Sejarah penBORNEO, Awang Muhd. Hefni bin Mahari turut menyampaikan taklimat mengenai Asas Pemeliharaan Rekod Manuskrip.

menambah ilmu pengetahuan tentang manuskrip-manuskrip secara umum dan manuskrip Al-Quran secara khusus, di samping mempelajari mengenai kaedah meneliti Rasm al-Mushaf juga Dabt al-Mushaf dalam manuskrip Al-Quran.

Di samping itu, ia membuka ruang lebih besar kepada para mahasiswa untuk membuat kajian berkaitan manuskrip, sama ada di

peringkat Sarjana Muda mahupun Lepasannya.

PenBORNEO ditubuhkan pada 31 Januari 2013 sebagai sebahagian daripada Cawangan Pusat Sejarah Brunei dengan objektifnya, antara lain untuk menjadi sumber rujukan juga penyelidikan mengenai sejarah Borneo, selain menjadi destinasi pelancongan akademik dengan tujuan penyelidikan.

Kerja pembaikan jalan raya



PENUTUPAN sebahagian jalan lorong kiri menghala ke Tutong bagi memberi laluan kerja-kerja pembaikan jalan raya di sepanjang Jalan RIPAS.

Siaran Akhbar dan Foto : Jabatan Kerja Raya

BANDAR SERI BEGAWAN, Khamis, 24 September. - Jabatan Kerja Raya (JKR), Kementerian Pembangunan ingin memaklumkan kepada orang ramai terutama kepada pengguna jalan raya mengenai penutupan sebahagian jalan lorong kiri menghala ke Tutong bagi memberi laluan kerja-kerja pembaikan jalan raya di sepanjang Jalan RIPAS pada 25 September 2020 (sehingga kerja-kerja pembaikan selesai).

Penutupan sementara sebahagian jalan tersebut akan mula dilaksanakan setiap jam 9.00 pagi sehingga 5.00 petang. Jalan berkenaan akan dibuka semula sebaik sahaja kerja-kerja berkenaan selesai dilaksanakan.

Sehubungan itu, pihak JKR ingin mengingatkan kepada para pengguna jalan raya untuk sentiasa berhati-hati apabila melalui kawasan tersebut di samping mematuhi tanda-tanda lalu lintas dan mematuhi had laju yang dibenarkan demi mengelakkan perkara-perkara yang tidak diinginkan.

Sebarang aduan, orang ramai bolehlah menghubungi pihak JKR melalui Talian Darussalam, 123 atau Livechat di +673 8333123, media sosial, Facebook : *Jabatan Kerja Raya, Brunei Darussalam* dan e-mel : *pro@pwd.gov.bn*.

Doa Kesyukuran sempena Sambutan Hari Guru seluruh negara



MAJLIS Doa Kesyukuran sempena Sambutan Hari Guru Ke-30 diadakan di sekolah-sekolah, maktab-maktab dan pusat-pusat tingkatan enam di seluruh negara adalah bagi mengenang jasa bakti Al-Marhum Sultan Haji Omar 'Ali Saifuddin Sa'adul Khairi Waddien terhadap kemajuan pendidikan di negara ini.

Siaran Akhbar dan Foto : Kementerian Pendidikan

BANDAR SERI BEGAWAN, Khamis, 24 September. - Bersempena dengan Sambutan Hari Guru Ke-30, sekolah-sekolah, maktab dan pusat-pusat tingkatan enam seluruh negara di bawah Kementerian Pendidikan dan Kementerian Hal Ehwal Ugama (KHEU) mengadakan Majlis Doa Kesyukuran yang diadakan di sekolah-sekolah, maktab-maktab dan pusat-pusat tingkatan enam masing-masing di seluruh negara.

Majlis ini merupakan sebahagian

daripada kegiatan - kegiatan keagamaan bersempena dengan Sambutan Hari Guru yang dikendalikan oleh Kementerian Pendidikan dan KHEU.

Antara tujuan majlis ini diadakan adalah untuk memanjatkan syukur ke hadirat Allah serta menzahirkan rasa terima kasih dan penghargaan kepada guru-guru yang mendidik pelajar-pelajar untuk menjadi seorang yang berjaya, di samping mengertakan hubungan antara guru dengan pelajar itu sendiri.

Sambutan Hari Guru disambut pada 23 September setiap tahun di negara ini bagi mengambil sukut sempena Ulang Tahun Hari Keputeraan dan mengenang jasa bakti Al-Marhum Sultan Haji Omar 'Ali Saifuddin Sa'adul Khairi Waddien terhadap kemajuan pendidikan, di negara ini.

Sambutan ini juga adalah sebagai usaha untuk memartabatkan kerjaya perguruan yang banyak menyumbang kepada pembangunan kapasiti tenaga manusia di negara ini. Pada tahun ini, tema bagi Sambutan Hari Guru ialah 'Pendidikan Berkualiti Teras Kecemerlangan Pelajar'.